

Ақтөбе



1924 жылдың 7 маусымынан бастап шығып келеді

www.aqtobegazeti.kz

aqtobegazeti@mail.ru

Қапа



АҚТӨБЕНІ ДАМУҒА ҮШІН БІРЫҢҒАЙ ДИЗАЙН-КОД ӘЗІРЛЕНЕДІ

Бұл дизайн-код қаланың сәулеттік келбетін сақтауға, оның тарихи және мәдени ерекшеліктерін айқындауға, сондай-ақ қалалық ортаны заманауи, қолайлы және тұрғындар үшін тартымды етуге мүмкіндік береді.

Облыс әкімі Асхат Шахаровтың төрағалығымен өткен отырыста қаланың сәулеттік келбетін жақсарту және тұрғындар үшін жайлы орта қалыптастыру шаралары талқыланды.

Қала әкімі Азамат Бекеттің айтуынша, өткен жылы аумақтарды абаттандыру және көгалдандыру бойынша ауқымды жұмыс жүргізілді: жаяу жүргіншілер жолдарына жаңа тас төсемелер төселді, «Таза Қазақстан» республикалық акциясы аясында биіктігі 3-5 метрлік ағаштар егілді, орталық көшелер жарықтандырылды.

Сондай-ақ демеушілер мен кәсіпкерлер есебінен 15 гүлзар мен саябақ салынып, қала тұрғындары үшін экологиялық әрі қауіпсіз орта қалыптастыруға мүмкіндік берді. Мобильді топтар қаланың сәулеттік келбетіне

не нұқсан келтірген 58 заңсыз сауда павильоны мен 211 жарнама құрылымын бұзды, сондай-ақ көпірлердегі қоршаулар мен қауіпсіздік жүйесін жаңарту жоспарланған.

Қала әкімінің айтуынша, 2026 жылғы 1 наурызға дейін қаланың даму жоспарына өзгерістер енгізу, атап айтқанда, ғимараттардың қасбетін жаңарту, қоғамдық кеңістікті абаттандыру, шағын сәулеттік нысандарға, навигацияға, жарықтандыруға және көше жиһазына арналған бірыңғай стандарт орнату, сондай-ақ ландшафттық дизайн жоспарын және көгалдандыру стандартын әзірлеу қажет. Астана қаласының тәжірибесі негізінде жасалған дизайн-кодты, көгалдандыру бағытындағы бастамаларды және қаланың бренд-бүгін енгізудің тиімділігін түсіндірді.

Өңір басшысы Асхат Шахаров қала әкімдігіне барлық жаңа және қолданыстағы нысан үшін міндетті талап ретінде бірыңғай дизайн-кодты әзірлеп, бекітуді тапсырды. Құжат қаланың тұтас келбетін сақтауды, оның тарихи және сәулеттік

ерекшеліктерін ескеруді және заманауи, жайлы әрі тартымды орта қалыптастыруды қамтамасыз етуге тиіс.

— Ақтөбенің сәулеттік келбетін жақсарту және бірыңғай дизайн-кодты енгізу — сыртқы көріністі реттеу ғана емес, заманауи әрі жайлы қалалық орта құрудың құралы. Қалада бей-берекет жарнама, әртүрлі қасбеттер мен келісілмеген маңдайшалар болмауға тиіс. Дизайн-кодты енгізу жұмысы кезең-кезеңімен жүргізілуі қажет: алдымен орталық көшелер мен қоғамдық кеңістік, кейін тұрғын аудандар. Сонымен қатар кәсіпкерлермен жүйелі жұмыс ұйымдастырып, талаптарды орындаудың нақты мерзімдерін белгілеу қажет. Дизайн-код талаптарының сақталуын бақылау тұрақты сипатта болуға тиіс: жауапты құрылымды айқындау, талаптардың орындалуын жүйелі түрде мониторингтеу және тәжірибені аудан орталықтарына тарау қажет, — деді аймақ басшысы.

Өз тілшіміз.

Коллекж

ҒАСЫРЛЫҚ ТАРИХЫ БАР КОЛЛЕДЖ ҚАЙТА ЖАҢАРДЫ

Облыс әкімі Асхат Шахаров құрылыс-техникалық колледжіне барды.

Колледж ғимараты 1964 жылы салынған. Былтыр оқу орнында оқу кабинеттері жаңартылып, инженерлік коммуникациялар ретке келтірілді, ғимарат айналасы абаттандырылып, материалдық-техникалық база жаңартылды.

Колледж директоры Гүлден Есенғалиева оқу орнында 680 оқушы білім алатынын, олардың 45 пайызы дуалды оқыту жүйесі бойынша оқитынын айтты. Колледжде бес бағыт бойынша ма-

— Орта кәсіби білім беру жүйесіндегі көп жылғы педагогикалық тәжірибемде біраз нәрсені көрдім. Әртүрлі қиындықты еңсеруге тура келді. Бұрын көп қиындық болды, көптеген училище жабылды. Бұл колледж де талай кезеңнен өтті, бірақ бүгінде табысты жұмыс істеп, білікті мамандарды даярлауды жалғастырып келеді. Ол үшін қомақты жұмыс атқарылып жатыр. Қуантатыны — жас ұрпақтың заманауи жағдайда білім алып, алған білімін бірден тәжірибеде қолдануға мүмкіндігі бар. Ал бізге,



мамандар даярланады: бағдарламалық қамтамасыз ету, электрмеханикалық жабдықтарға техникалық қызмет көрсету, жөндеу және пайдалану, дәнекерлеу ісі, ғимараттар мен құрылыстарды салу және пайдалану, тұрғын үй-коммуналдық шаруашылық нысандарының инженерлік жүйелерін монтаждау және пайдалану. Түлектердің жұмыспен қамтылу деңгейі — 88 пайыз.

Облыс әкімі жаңартылған оқу кабинеттері, шеберханалар мен оқу зертханаларын аралап көріп, оқытушылармен әңгімелесті, сондай-ақ колледжде одан әрі дамыту және кәсіби даярлықтың сапасын арттыру мәселелерін талқылады.

Колледжде 34 жыл еңбек еткен педагогика саласының ардагері Құлжан Ешманова осы жылдар ішінде оқу орнының қалай өзгергені жайында айтып берді.

ардагерлерге, әрдайым құрмет көрсетіледі: түрлі іс-шараға шақырады, тәжірибеміз бен білімімізді бағалайды, — деді Құлжан Ешманова.

Асхат Шахаров өңірде кәсіби білім беруді дамытудың маңыздылығын атап өтті. Оның айтуынша, колледждердің материалдық-техникалық базасын жаңарту сапалы мамандар даярлауға жағдай жасайды.

— Бүгінде колледжде білім алуға қолайлы жағдай жасалған, бұл оқушылар үшін маңызды. Әрине, көпшілігі басшы болуды армандайды, алайда өңірде білікті жұмысшы мамандар да қажет. Сондықтан біздің міндетіміз — еңбек нарығында сұранысқа ие, құзыретті кадрларды даярлау. Быыл өз білімі мен дағдысын тәжірибеде қолдануға дайын 300 маманды түлетуді жоспарлап отырмыз, — деді облыс әкімі.

Д.АЙДАР.

Білім

ҚАЛА МЕКТЕПТЕРІН АРАЛАДЫ



Мемлекет басшысының тапсырмасына сәйкес өңірде жаңа мектептер салу және қолданыстағы білім беру ұйымдарын жаңарту бойынша жүйелі жұмыс жүргізілуде.

Ескі ғимаратта орналасқан көптеген оқу орны кезең-кезеңімен реновациядан өтіп, ғимараттарға күрделі жөндеу жүргізіліп, материалдық-техникалық базасы жаңартылып, үш ауысымды оқытуды жоюға және апатты жағдайдағы мектептерді алмастыруға бағытталған жобалар жүзеге асырылып, оқушылар үшін қауіпсіз әрі қолайлы білім беру ортасы қалыптастырылып жатыр.

Облыс әкімі Асхат Шахаров былтыр күрделі жөндеуден өткен бірқатар оқу орнын аралады. Атап айтқанда, Ғ.Ақтаев атындағы №6 мектеп-гимназия, І.Есенберлин атындағы №15 орта мектепке барды.

Ғ.Ақтаев атындағы №6 мектеп-гимназиясы 1978 жылы салынған және сол уақыттан бері үздіксіз білім беру мекемесі ретінде жұмыс істеп келеді. Қазіргі таңда мұнда 1562 оқушы білім алууда. Мектепте 157 мұғалім қызмет етеді.

2025 жылы мектепте «КварцСпецсервис» ЖШС мердігер ұйымы тарапынан

күрделі жөндеу жүргізілді. Жөндеу аясында аумақты абаттандыру, ғимараттың қасбетін жөндеу және ішкі жұмыстардың бір бөлігі орындалды.

— Мектеп ғимаратының қасбеті толық жаңартылып, апатты 12 бағана нығайтылды. Аула аумағына тас төсемелер төселіп, абаттандырылды. 27 оқу кабинетінде еден, төбе және жарықтандыру жүйелері жөндеді, бірінші қабат пен асхананың едені толығымен жаңартылды. Спорт және акт залдары жөнделіп, қосымша дөліз салынды. Жабдықтауға да ерекше көңіл бөлінді: химия, биология және робототехника кабинеттері жабдықталды, асханадағы жиһаз бері құрал-жабдықтар жаңартылды, парталармен оқу жиһаздары ауыстырылды, информатика кабинеті мен кітапхана жабдықталды, интерактивті панелдер орнатылды. Күрделі жөндеуге 285,65 миллион теңге бөлініп, қосымша 56 миллион теңге заманауи жабдықтар сатып алуға бағытталды, — деді мектеп директоры Жания Романова.

Асхат Шахаров жаңартылған оқу кабинеттерін, мамандандырылған сыныптарды, асхананы аралап, педагогтер және

сенбі күні үйірмелерге қатысатын оқушылармен жүздесті.

— Балалардың қауіпсіз әрі жайлы жағдайда білім алуы біз үшін өте маңызды. Мектептерді реновациялау — жүйелі түрде жүргізілетін жұмыс. Біз алдағы уақытта да ескі ғимараттарды жаңартып, мектептерді заманауи құрал-жабдықтармен қамтамасыз етіп, әрбір бала сапалы білім ала алатын орта қалыптастырамыз, — деді облыс әкімі.

Одан кейін өңір басшысы І.Есенберлин атындағы №15 орта мектепке барды. Бұл оқу орны 1939 жылы салынған, бүгінде мұнда 574 оқушы білім алып жатыр.

2025 жылы мектепте «ABRYOI GROUP» ЖШС мердігер ұйымы тарапынан 407,8 млн теңгеге кешенді күрделі жөндеу жүргізілді. Қосымша 107,6 млн теңге материалдық-техникалық базаны нығайтуға бағытталды.

Мектеп директоры Алмагүл Ешмағамбетованың айтуынша, реновация барысында ғимараттың қасбеті мен шатыры жаңартылып, едендер, жылу және көріз жүйелері ауыстырылды, қоршау жаңартылды. Сондай-ақ оқу кабинеттеріне жаңа жиһаздар алынып, интерактивті панелдер орнатылды, кітапхана, асхана және спортзал жаңа құрал-жабдықтармен толықтырылды.

Мектеп фойесінде директор жөндеу жұмыстарының нәтижесін «бұрын және кейін» фотосуреттері арқылы таныстырды. Ата-аналар комитеті және ардагерлер кеңесінің өкілдері мектеп инфрақұрылымын дамытуға көрсетілген қолдау үшін ел Президентіне алғыстарын жеткізді.

Облыс әкімі кездесу барысында білім беру мекемелерін жаңғырту және оқу үшін қолайлы жағдай жасау өңірлік билік үшін басым бағыт болып қала беретінін атап өтті.

— Біз әрбір мектептің заманауи, қауіпсіз әрі сапалы білім беруге қажетті барлық құралмен жабдықталғанын қалаймыз. Бұл — балаларымыздың болашағына салынған инвестиция. Сондай-ақ сапалы оқу жағдайы әр баланың әлеуетін ашуға, білімге деген ынтасын арттыруға және уақыт талабына сай білім беру стандарттарын қалыптастыруға мүмкіндік береді, — деді өңір басшысы.

Сондай-ақ Асхат Шахаров былал қаладағы №5, №17, №22 және №37 мектепте реновация жүргізілетінін мәлімдеді. Бұдан бөлек Әйтеке би, Байғанин, Темір және Шалқар аудандарындағы мектептерді жаңарту жоспарланған.

Д.ҚАЗИХАН.

Инвестиция

ИНВЕСТИЦИЯ ТARTУ ТЕТІКТЕРІ ТАЛҚЫЛАНДЫ



Облыс әкімінің орынбасары Абзал Әбдікерімов «Бөйтерек» ұлттық инвестициялық холдингі» АҚ басқарма төрағасының орынбасары Шайхы Жандоспен кездесті.

Тараптар өңірде ірі инвестициялық жобаларды қаржыландыру және қолдау мәселесін талқылады. Сонымен қатар инвестиция тарту механизмдерін жетілдіру және даму институттарымен өзара іс-қимылды кеңейту жолы қаралды.

Талқылауға «Даму» кәсіпкерлікті дамыту қоры», «Қазақстанның Даму Банкі» және «Qazaqstan Investment Corporation» акционерлік қоғамдарының өкілдері де қатысты.

Басқосуда инвестициялық тапсы-

рыс бағдарламасы аясында перспективалы бастамаларды қаржыландыру мүмкіндігіне ерекше назар аударылды. Облыс тарапынан өңірдің өнеркәсіптік әлеуетін дамытуға, жаңа жұмыс орындарын ашуға және тұрақты экономикалық өсімді қамтамасыз етуге бағытталған бірнеше жоба ұсынылды.

Кездесу қорытындысы бойынша ұсынылған жобаларды жан-жақты пысықтау, инвесторларды іздеу және «Бөйтерек» ұлттық инвестициялық холдингі құралдарын пайдалана отырып қаржыландыру бағытында әрі қарай өзара ынтымақтастықты жалғастыру туралы келісімге қол жеткізілді.

Арайлым НҰРБАЕВА.

ОБЛЫСТЫҚ МӘСЛИХАТТЫҢ КЕЗЕКТЕН ТЫС СЕССИЯСЫН АУЫСТЫРУ ТУРАЛЫ

«Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының 2001 жылғы 23 қаңтардағы №148 Заңының 19-бабының 3-тармағының 1-1) және 7) тармақшаларына сәйкес ШЕШІМ ЕТІМІН:

1. Облыстық мәслихаттың кезектен тыс жиырына үшінші сессиясын өткізу 2026 жылғы 30 қаңтарда сағат 15.00-ге ауыстырылсын.
2. Осы өкім қол қойылған күнінен бастап қолданысқа енгізіледі.

Облыстық мәслихат төрағасының міндетін атқарушы Н.МАХАМБЕТОВ.